

BOSNA I HERCEGOVINA

Brčko distrikt BiH

**SKUPŠTINA**

**ZAKONODAVNO POVJERENSTVO**

**ZAKONODAVNA KOMISIJA**



БОСНА И ХЕРЦЕГОВИНА

Брчко дистрикт БиХ

**СКУПШТИНА**

**ЗАКОНОДАВНА КОМИСИЈА**

*Mladena Maglova 2, 76100 Brčko distrikt BiH, telefon i faks: 049/215-516*

*Младена Маглова 2, 76100 Брчко дистрикт БиХ, тел. и факс: 049/215-516*

Na osnovu člana 8 Zakona o Službenom glasniku Brčko distrikta BiH («Službeni glasnik Brčko distrikta BiH», brojevi: 1/00 i 17/04) i Odluke o davanju ovlaštenja Zakonodavnoj komisiji Skupštine Brčko distrikta BiH broj: 01-02-218/17 od 13. 9. 2017. godine, Zakonodavna komisija Skupštine Brčko distrikta BiH na 35. sjednici održanoj 21. 2. 2018. godine utvrdila je prečišćeni tekst Zakona o javnom preduzeći „Luka Brčko“ Brčko distrikt BiH („Službeni glasnik Brčko distrikta BiH“ broj 16/04) sa izmjenama i dopunama zakona o javnom preduzeću „Luka Brčko“ Brčko distrikt BiH („Službeni Brčko distrikta BiH“ brojevi: 17/08, 39/08, 5/15, i 9/17).

Broj: 01.3.-05-231/18  
Brčko, 21. 2. 2018. godine

**PREDSJEDAVAJUĆI  
ZAKONODAVNE KOMISIJE**  
Ljubiša Lukić, s. r.

**ZAKON  
O JAVNOM PREDUZEĆU “LUKA BRČKO”  
BRČKO DISTRIKT BOSNE I HERCEGOVINE  
(PREČIŠĆENI TEKST)**

**I. OSNOVNE ODREDBE**

**Član 1**

Ovim zakonom reguliše se osnivanje i organizacija Javnog preduzeća “Luka Brčko”, Brčko distrikt Bosne i Hercegovine (u daljem tekstu: “Javno preduzeće”).

**Član 2**

Osnivač Javnog preduzeća je Brčko distrikt Bosne i Hercegovine (u daljem tekstu: “Distrikt”).

**Član 3**

Javno preduzeće je pravni sljednik Javnog preduzeća "Luka Brčko" Brčko distrikt Bosne i Hercegovine, društvo sa ograničenom odgovornošću, koje je registrovano kod Osnovnog suda Brčko distrikta Bosne i Hercegovine.

**Član 4**

Javno preduzeće posluje pod nazivom Javno preduzeće «Luka Brčko» Brčko distrikt Bosne i Hercegovine.

Skraćeni naziv Javnog preduzeća glasi: JP "Luka Brčko" Brčko distrikt BiH.

**Član 5**

Sjedište Javnog preduzeća je u Brčkom.

**Član 6**

Javno preduzeće posluje u skladu sa zakonima Bosne i Hercegovine, zakonima distrikta i međunarodnim sporazumima koje je potpisala Bosna i Hercegovina.

#### **Član 7**

Javno preduzeće odgovora za svoje obaveze cjelokupnom svojom imovinom.

Osnivač ne odgovara za obaveze Javnog preduzeća, izuzev onih obaveza koje su izričito preuzete ili garantovane od osnivača i odobrene od Skupštine Brčko distrikta BiH (u daljem tekstu: "Skupština distrikta"), u cilju finansiranja razvoja Javnog preduzeća.

#### **Član 8**

Na pitanja koja nisu regulisana ovim zakonom shodno se primjenjuju odredbe Zakona o preduzećima Brčko distrikta BiH ("Službeni glasnik Brčko distrikta BiH" 11/01,10/02,14/02 , 01/03 i 04/04).

### **II. POSLOVNA DJELATNOST**

#### **Član 9**

Javno preduzeće pruža usluge u riječnom, riječno-željezničkom i drugom kombinovanom saobraćaju pravnim i fizičkim licima iz Bosne i Hercegovine i inostranstva.

Javno preduzeće upravlja imovinom i prihodima kako bi osiguralo:

- 1) efikasne i ekonomične usluge; i
- 2) redovno, periodično i dugoročno održavanje imovine i opreme.

#### **Član 10**

Djelatnosti Javnog preduzeća se bliže uređuju Statutom Javnog preduzeća (u daljem tekstu: "Statut").

Djelatnosti Javnog preduzeća se upisuju u sudski registar.

Javno preduzeće može obavljati samo djelatnosti koje su upisane u sudski registar.

### **III. ORGANI**

#### **Član 11**

Organi Javnog preduzeća su: upravni odbor i direktor.

#### **1. Upravni odbor**

#### **Član 12**

Upravni odbor upravlja Javnim preduzećem.

Upravni odbor odgovara Skupštini Distrikta za:

- 1) sveukupno upravljanje Javnim preduzećem;
- 2) zaštitu javnog interesa i
- 3) postizanje ciljeva Javnog preduzeća.

### **Član 13**

- (1) Upravni odbor bira gradonačelnik na period od četiri godine.
- (2) Upravni odbor sastoji se od šest članova.
- (3) Upravni odbor čine:
  - a) članovi iz reda građana;
  - b) jedan član na predlog Savjeta ministara BiH.
- (4) Članovi Upravnog odbora mogu biti i zaposleni u organima javne uprave i institucijama Brčko distrikta BiH.
- (5) Članovi Upravnog odbora iz stava 3 tačke a) i stava 4 ovog člana odražavaju sastav stanovništva i biraju se na osnovu javnog konkursa.
- (6) Mjesečna naknada za rad u Upravnom odboru iznosi:
  - a) za člana Upravnog odbora jedna prosječna neto plata zaposlenih u tom javnom preduzeću;
  - b) za predsjednika Upravnog odbora naknada iz tačke a) ovog stava uvećava se za 20%.
- (7) Upravni odbor za svoj rad odgovara osnivaču Javnog preduzeća.

### **Član 13a**

- (1) Upravni odbor imenuje gradonačelnik na osnovu prijedloga Komisije za odabir kandidata za članove Upravnog odbora Javnog preduzeća (u daljnjem tekstu: Komisija).
- (2) Gradonačelnik imenuje Komisiju iz reda članova Vlade Brčko distrikta BiH.
- (3) Komisija iz stava 1 ovog člana sastoji se od pet članova.
- (4) Komisija iz stava 1 ovog člana provodi postupak odabira najuspješnijih kandidata, uz administrativnu i tehničku pomoć Odjeljenja za stručne i administrativne poslove - Pododjeljenja za ljudske resurse.
- (5) Javni konkurs za odabir Upravnog odbora raspisuje se mjesec dana prije isteka mandata Upravnog odbora.

### **Član 14**

Upravni odbor donosi odluke ako većina članova prisustvuje sjednici.

Upravni odbor usvaja odluke većinom glasova prisutnih članova.

Upravni odbor donosi poslovnik o radu koji sadrži bliže odredbe o radu upravnog odbora.

### **Član 15**

Upravni odbor:

- (1) usvaja statut javnog preduzeća uz saglasnost osnivača;
- (2) usvaja godišnji poslovni plan javnog preduzeća uz saglasnost osnivača;
- (3) usvaja srednjoročni i dugoročni plan razvoja javnog preduzeća uz saglasnost osnivača;
- (4) odlučuje o unutrašnjoj organizaciji javnog preduzeća uz saglasnost osnivača;
- (5) utvrđuje poslovnu politiku i donosi opće akte javnog preduzeća;
- (6) imenuje i razrješava direktora i zamjenike direktora javnog preduzeća;
- (7) imenuje i razrješava internog revizora javnog preduzeća;

- (8) vrši izbor i odobrava ugovor zaključen sa eksternim revizorom;
- (9) nadgleda rad direktora i utvrđuje odgovornost direktora;
- (10) nadgleda rad javnog preduzeća;
- (11) odlučuje o raspodjeli godišnje dobiti i pokriću troškova, uz saglasnost Skupštine Distrikta;
- (12) odlučuje o povećanju, odnosno smanjenju kapitala javnog preduzeća, uz saglasnost Skupštine Distrikta;
- (13) usvaja završni račun koji priprema direktor i dostavlja Skupštini Brčko distrikta BiH na odobrenje;
- (14) odlučuje o pitanjima koje dostavi direktor;
- (15) donosi poslovnik o radu;
- (16) vrši druge poslove određene zakonom i statutom

### **Član 16**

Članovi upravnog odbora primaju naknadu za rad u skladu sa Statutom.

## **2. Direktor**

### **Član 17**

- (1) Direktor je rukovodni organ Javnog preduzeća.
- (2) Direktor predstavlja i zastupa Javno preduzeće, organizuje i vodi poslovanje Javnog preduzeća i odgovora za zakonitost rada Javnog preduzeća.
- (3) Plata direktora javnog preduzeća ne može se utvrditi u iznosu većem od plate šefa odjeljenja Vlade Brčko distrikta BiH.

### **Član 18**

Direktor Javnog preduzeća:

- 1) predlaže godišnji poslovni plan Javnog preduzeća, program razvoja i dugoročne planove rada i poslovanja;
- 2) izvršava odluke upravnog odbora;
- 3) priprema mjesečne poslovne i finansijske izveštaje za sjednice upravnog odbora;
- 4) priprema za upravni odbor godišnje izveštaje o radu i poslovnim pitanjima;
- 5) predlaže upravnom odboru donošenje odluke o otvaranju novih radnih mjesta;
- 6) zaključuje ugovore o radu i otkazuje ugovore o radu;
- 7) odlučuje o odgovornosti zaposlenih u vezi s povjerenim poslovima;
- 8) zastupa i predstavlja Javno preduzeće pred trećim licima;
- 9) odlučuje o korištenju sredstava Javnog preduzeća za tekuće poslovanje;
- 10) predlaže opće akte Javnog preduzeća;
- 11) donosi pojedinačne akte Javnog preduzeća u skladu sa zakonom i Statutom;
- 12) odlučuje o drugim pitanjima iz svoje nadležnosti u skladu sa zakonom i Statutom.

## **Član 19**

Statutom se propisuju potrebne kvalifikacije i način izbora direktora u skladu sa principima javnog konkursa i stručnih sposobnosti.

## **IV. ZASTUPANJE I PREDSTAVLJANJE**

### **Član 20**

Javno preduzeće zastupa i predstavlja direktor.

U pravnim poslovima s trećim licima direktor zastupa Javno preduzeće do visine iznosa koju utvrdi upravni odbor, a u pravnim poslovima čija vrijednost prelazi taj iznos direktor zastupa Javno preduzeće uz saglasnost upravnog odbora.

Imenovanje drugih lica u Javnom preduzeću koja imaju ovlaštenje da obavljaju poslove ili daju naloge za isplate u ime Javnog preduzeća, vrši se aktom o sistematizaciji radnih mjesta u Javnom preduzeću, koju donosi upravni odbor.

## **V. GODIŠNJI POSLOVNI PLAN**

### **Član 21**

Upravni odbor usvaja godišnji poslovni plan javnog preduzeća i izmjene tog plana uz saglasnost osnivača.

Upravni odbor određuje visinu iznosa do kojeg direktor odobrava izmjenu godišnjeg poslovnog plana.

Upravni odbor odobrava sve dugoročne finansijske obaveze Javnog preduzeća, kao što su krediti i emisije obveznica. Za obaveze u vezi s kreditom ili obveznicama u iznosu od 500,000 KM ili većem, neophodna je saglasnost Skupštine distrikta.

## **VI. KAPITAL I SREDSTVA JAVNOG PREDUZEĆA**

### **Član 22**

Vrijednost kapitala Javnog preduzeća utvrđuje se Statutom u skladu sa zakonom.

### **Član 23**

Sredstva Javnog preduzeća mogu se sastojati od uložених novčanih sredstava i uloga u stvarima i pravima po osnovu:

- 1) prava svojine nad imovinom;
- 2) novčanih sredstava ostvarenih vršenjem registrovane djelatnosti;
- 3) drugih imovinskih prava;
- 4) budžeta Distrikta;
- 5) sredstava iz donacija.

## **Član 24**

Direktor može dio ovlaštenja koja ima u skladu sa zakonom i Statutom prenijeti na drugo lice.

## **VII. KLAUZULA KONKURENCIJE**

### **Član 25**

Direktor i članovi upravnog odbora Javnog preduzeća ne mogu biti zaposleni niti imati svojstvo zastupnika u bilo kom drugom preduzeću iste ili srodne djelatnosti koje bi moglo biti konkurentno sa Javnim preduzećem ili u preduzeću koje ima značajne poslovne odnose sa Javnim preduzećem.

Zaposlenik u Javnom preduzeću ne može bez odobrenja poslodavca za svoj ili za račun treće osobe zaključivati ugovore koji predstavljaju konkurenciju Javnom preduzeću.

Direktor, članovi upravnog odbora i zaposleni koji imaju, ili čiji najbliži srodnici imaju finansijski interes u bilo kojem preduzeću koje zaključuje ugovor sa Javnim preduzećem, moraju se prije zaključenja takvog ugovora izjasniti o tom interesu.

Direktor i članovi upravnog odbora dužni su dati izjavu o svom materijalnom stanju u skladu s članom 21 Statuta Brčko distrikta Bosne i Hercegovine.

## **VIII. OPĆI AKTI**

### **Član 26**

Opći akti Javnog preduzeća su Statut, pravilnici i odluke kojima se na opći način uređuju određena pitanja.

Upravni odbor usvaja statut javnog preduzeća uz saglasnost osnivača, a pravilnike radi primjene zakona i drugih propisa donose upravni odbor i direktor

Upravni odbor donosi pravilnike i druge opće akte.

Opći akti preduzeća se donose po potrebi i moraju biti u skladu sa Statutom.

## **IX. INTERNA KONTROLA I INTERNA I EKSTERNA REVIZIJA**

### **1. Interna kontrola**

#### **Član 27**

Direktor uspostavlja sistem interne kontrole, kojim se osiguravaju nadzor i kontrola nad izvršavanjem poslovnih aktivnosti i zadataka na svim nivoima Javnog preduzeća.

Odgovorna lica Javnog preduzeća su dužna da osiguraju uslove koji omogućavaju sistem interne kontrole, nadzor, reviziju i ocjenu utvrđenih programa, planova i postupaka, kao i njihovu primjenu.

### **2. Interni revizor**

#### **Član 28**

Interni revizor:

- 1) vrši godišnju internu reviziju sektora Javnog preduzeća u skladu sa internim planom revizije koji je odobrio upravni odbor;
- 2) vrši vanrednu reviziju ako to zatraži upravni odbor;
- 3) vrši kontrolu internih postupaka Javnog preduzeća;
- 4) podnosi prijedloge za ispravku nedostataka;
- 5) pomaže u pripremi godišnjih izvještaja;
- 6) predstavlja kontakt osobu za eksterne revizore.

Interni revizor Javnog preduzeća je nezavisan u radu i odgovoran je upravnom odboru.

### **3. Interna revizija**

#### **Član 29**

Interna revizija se vrši neposrednim uvidom u evidenciju i dokumentaciju, i procjenom postupaka i procedura Javnog preduzeća i njegovog sistema interne kontrole.

Upravni odbor daje saglasnost na godišnju internu reviziju.

### **4. Eksterna revizija**

#### **Član 30**

Na kraju svake fiskalne godine cjelokupno poslovanje Javnog preduzeća je predmet eksterne revizije, koju sprovodi ovlašteno revizorsko preduzeće.

Eksterni revizor je posebno dužan da pruži detaljno mišljenje o internom finansijskom izvještaju i da utvrdi usklađenost tog izvještaja sa svojim izveštajem.

Troškove godišnje revizije snosi osnivač Javnog preduzeća.

Godišnji revizorski izvještaj je dostupan javnosti putem štampe i interneta.

## **X. POSLOVNA TAJNA**

#### **Član 31**

Poslovna tajna se odnosi na akte, identifikacione dokumente, izvještaje i podatke, čije bi otkrivanje neovlaštenoj osobi bilo u suprotnosti s djelatnošću Javnog preduzeća ili bi štetilo interesima Javnog preduzeća.

Poslovnu tajnu Javnog preduzeća predstavljaju:

- 1) povjerljivi podaci koje osnivač pošalje Javnom preduzeću,
- 2) plan fizičko-tehničkog osiguranja objekata i imovine Javnog preduzeća,
- 3) podaci o finansijskom poslovanju Javnog preduzeća, i
- 4) druge isprave i podaci koje direktor proglasi poslovnom tajnom.

Svi zaposleni su dužni da čuvaju poslovnu tajnu.

Direktor određuje kada se poslovna tajna može objelodaniti.

## **XI. JAVNOST RADA**

### **Član 32**

Javno preduzeće objavljuje godišnji izvještaj o radu i finansijskom stanju Javnog preduzeća, koji se dostavlja gradonačelniku i Skupštini distrikta.

## **XII. ZAŠTITA ŽIVOTNE SREDINE**

### **Član 33**

U svom poslovanju Javno preduzeće je dužno da se pridržava svih propisa koji se odnose na zaštitu na radu i zaštitu životne sredine.

Dužnosti lica odgovornog za zaštitu na radu i zaštitu životne sredine određuju se posebnim aktom.

## **XIII. PRIVATIZACIJA JAVNOG PREDUZEĆA**

### **Član 33a**

- (1) Javno preduzeće može se u potpunosti ili djelimično privatizovati.
- (2) Odluku o pristupanju privatizaciji Javnog preduzeća donosi Skupština Distrikta tropetinskom većinom glasova zastupnika koji su prisutni i glasaju.

### **Član 33b**

- (1) Odlukom iz člana 33a stava 2 ovog zakona određuje se:
  - 1) Komisija za provođenje postupka privatizacije Javnog preduzeća (u daljnjem tekstu: «Komisija») koju imenuje Skupština aneksom odluke,
  - 2) osnovna načela, smjernice, rokovi, zadaci i odgovornost Komisije, i
  - 3) ostala pitanja od važnosti za rad Komisije.
- (2) Komisija priprema program privatizacije Javnog preduzeća koji između ostalog sadrži:
  - 1) metod i način privatizacije Javnog preduzeća,
  - 2) procent državnog kapitala koji je predmet prodaje,
  - 3) podatke o imovini i poslovanju Javnog preduzeća, i
  - 4) ostale elemente i dokumente neophodne za provođenje postupka privatizacije.
- (3) U zavisnosti od načina prodaje i procenta državnog kapitala koji je predmet prodaje, programom iz stava 2 ovog člana određuje se koji se propisi o privatizaciji preduzeća u Distriktu primjenjuju u postupku privatizacije Javnog preduzeća.
- (4) Program iz stava 2 ovog člana odobrava Skupština tropetinskom većinom glasova zastupnika koji su prisutni i glasaju.

## **XIII. PRIJELAZNE I ZAVRŠNE ODREDBE**

### **Član 34**

Gradonačelnik imenuje članove upravnog odbora u roku od 30 dana od dana stupanja na snagu ovog zakona.



Upravni odbor je dužan da u roku od 30 dana od dana imenovanja donese statut.

Upravni odbor imenuje vršioca dužnosti direktora u roku od 15 dana od dana imenovanja.

Upravni odbor je dužan da u roku od 30 dana od dana imenovanja angažuje nezavisno knjigovodstveno preduzeće da izvrši analizu imovine, zaposlenih i rada Javnog preduzeća.

Troškove analize iz stava 4 ovog člana snosi osnivač Javnog preduzeća.

### **Član 35**

Zakon o javnom preduzeću „Luka Brčko“ Brčko distrikta BiH stupio je na snagu 5. juna 2004. godine a njegove izmjene i dopune 21. maja 2008. godine, 10. oktobra 2008. godine, 8. maja 2015. godine i 8. marta 2017. godine.